

醫學從衆錄卷五

增輯
陳倏園醫書七十種

上海廣益書局
印行

閩吳航陳念祖修園甫著

隔症反胃

次男元屏靈石參訂孫男心典校字

隔者阻隔不通不能納穀之謂也又謂之隔食病在胸膈之間也上焦出胃上口主納中焦並胃中主腐化下焦別迴腸主濟泌此症三焦失職百無一生丹溪指為胃脘乾枯以四物湯入牛羊乳竹瀝韭汁之類主之薛氏指為沸鬱傷肝肝木尅土以左金丸逍遙散六君子湯歸脾丸六味丸八味丸之類隨症間服易思蘭本此法以治氣膈晨吞八味丸百粒暮服暢衛湯開導其上滋補其下多效趙氏以此病多得之五旬以上腎水既乾陽火偏盛煎熬津液三陽熱結則前後閉澇下既不通必反於上直犯清道上冲吸門須以六味丸料大劑煎飲久服可挽十中之一二然以余觀之隔症既成終無治法問曰既無治法豈真坐視其亡耶

修園曰即欲服藥亦不過盡人事而已吾鄉老醫某只守程氏啟膈飲一湯始服頗效久不增病然而痰火鬱氣阻逆於上者亦藉為引導也已任篇專取陽明以左歸飲加生地當歸亦所以開胃門此門開則能納食幽門此門開則小便利關門此門開則大便潤之法也此數方之意皆仿於仲景大半夏湯用甘瀾蜜水之法而不知仲景取半夏以升降陰陽藉人參以重生津液復得蜜之滋潤灌溉流通而阻隔之患乃免程氏以半夏耗液為禁豈知仲景麥門冬湯及此方之微旨哉

張石頑云古人指噎膈為津液乾枯故水液可行乾物梗塞為枯在上焦余竊疑之若果津液枯槁何以食饒下咽涎隨上湧乎故知膈咽之間交通之氣不得降者皆衝脈上行逆氣所作也惟氣逆故水液不得居潤下之常隨氣逆湧耳若以津枯而用潤下之劑豈不反益其邪乎宜六君子湯加減挾寒脈遲細者加肉桂附子救熱脈數滑者加枳實黃連若噎而聲不出者加五味子竹茹喉中有一塊食物不下者痰氣也加海石訶子膈間作痛多是瘀血加歸尾桃仁韭汁童便甚者加大黃微利之千金五噎丸五膈丸亦可擇用按張石頑主於衝脈上逆誠千古灼見亦從仲景大半夏湯悟出然必謂潤下之劑反益其邪是因其涎沫之多而徂於見症之陋習也衝脈不治取之陽明故仲景以半夏降衝脈之逆即以白蜜潤陽明之燥加人參以生既亡之津液石頑此論得其半而遺其半也蓋人之胃中疊積如膏脂者謂之胃陰今因衝氣上逆口嘔出粘涎即日亡其胃陰尚得謂滋潤之劑宜屏絕乎余所以不敢阿好也

人鏡經曰內經云三陽結謂之隔蓋足太陽膀胱經水道不行手太陽小腸經津液枯涸足陽明胃經燥熱結聚所以飲食拒而不入縱入太倉還出喉嚨人之腸胃一日一便乃常度也今隔食之人五七日不使陳物不去新物不納俗賢強分為五隔一噎支派既多併喪其實標本不明是以火裏煨薑湯中煮桂胡椒末已華撥繼之丁香末已豆蔻繼之雖曰和胃胃本不虛雖曰溫脾脾本不寒此病之所以日盛也法當用三一承氣湯節次微下之後用芝蔴飲噉之陳腐去而腸胃潔穢痼盡而榮衛昌飲食自進矣

按此法雖偏而百無一生之症急用之尚有餘望否則逡巡觀望何濟於事 反胃症朝食暮吐暮食朝吐初患者尚可治王太僕云食不得入是有火也食入反出是無火也遵趙氏法以六味丸治隔症是壯水之主以制陽光以八味丸可治反胃是益火之原以消陰翳而自愚論之食入反出脾失其消穀之能胃失其容受之能宜理中湯溫脾加麥芽以暢達一陽之氣與參朮消補同行土木不害而脾得盡其所能或吳茱萸湯溫胃藉吳茱以鎮納厥陰之逆氣合參朮甘溫相濟震坤合德而胃得盡其所能而猶恐中土大寒溫補太緩以乾薑吳茱附子華撥蜜丸以火化之速復恐燥熱上僭傷上焦細細之氣以沙參白朮茯苓麥芽五穀虫甘草白蔻仁為末厚裹於外又以硃砂六一散為衣使溫和之藥在外先行於上而平熱之藥由中焦以直達命門熟腐水穀續以八味丸收其全功若病勢之甚第以八味丸緩服未免迂濶矣

診脈

浮緩而滑

沉緩而長

弦濇短少

大半夏湯

方見金匱

啟膈飲

方見寶鑑

三一承氣湯

方見時方

按久病與羸敗之人前方未免太峻余用麻仁丸及高鼓峰新

方代之高鼓峰悟王損菴治膈用大黃之妙融會一方頗為穩當方用熟地五錢當歸白芍桃仁麻仁各三錢微微潤

之其形體如常即以前方內加大黃一二錢以助無藥

加減左歸飲

細云腎乃胃之關門不利并脾急矣關門即氣文

己任篇曰膈症一陽明盡之予治荆溪藩爾修之膈

用左歸飲去茯苓加生地當歸兩大劑而使潤食進又十劑而兩便如常飲食復舊蓋以左歸飲中有甘草則直走陽

明以和其中且當歸生地合用則能清胃火以生其陰胃陰上濟則貴門寬展故飲食能進胃陰下達則幽門閉門皆

滋潤故二便如常去後者恐其分流入坎不若專顧陽明之效速也
和中暢衛湯

紫蘇梗 五分 香附 醋炒 神麴 炒 沙參 各一錢 桔梗 連翹 去子尖 木香 四分 蒼朮 撫芎 貝母 各八分

砂仁 三分 生薑 三片 水煎服易思聰自註云香附蘇梗開鬱行氣蒼朮健中二母開鬱痰連翹散六經之火撫

芫蕪肝木之困神麴行脾之鬱木香透氣流行桔梗升提肺氣沙參助正氣而不助火此方提上焦之火邪乃火鬱發之

之義也然徒用此方而不兼補下之藥雖能解散於一時其火無水制必然復生而痞滿噎隔之疾恐尤甚於前也

愚按內經云隔塞閉絕上下不通則暴憂之病也可見此病多起於鬱結不舒胃氣不能敷布所致張難峰所謂神思

間病是也方中雖是解鬱套藥而分兩多寡氣味配合似有獨得之妙又與八味丸間服所以多效喻嘉言資液救焚

湯與八味丸間服皆是此意但救焚湯大涼大降流於奇險不如此湯之平易近人也

五噎丸 針 治胸中久寒嘔逆妨食結氣不消
乾薑 蜀椒 吳茱萸 桂心 北細辛 各一兩 人參 白朮 各二兩 橘皮 茯苓 各一兩 附子 炮 一枚

右為細末煉蜜丸桐子大酒服十五丸日三服漸加至三十丸
五噎丸 針 治飲食不得下手足冷上氣喘息

麥門冬 三兩 甘草 二兩 蜀椒 炒去汗 遠志肉 桂心 細辛 乾薑 地各一兩 附子 炮 一枚 人參 二兩
右為細末煉白蜜丸彈子大先食噙一丸細嚥之喉中胸尚熱為丸稍盡再噙一丸日三夜二服七日愈 張石頑曰

二丸同用參附椒辛薑桂之類一以肝氣上逆胃氣不下而嘔噎用薑橘以疎肝降逆苓朮以健脾通津一以腎氣不
蒸肺胃枯槁而不納故用冬草以滋肺和胃遠志以補火生土又嘔噎而藥食可進者類與小九調之腸塞而飲食不
納者時用大丸噙之其立法之詳若此可不解而忽諸

醫學從眾錄 卷五 陽症及胃

西洋藥方

秘授

治神隔食翻胃一切痢疾水瀉等證立驗

紅蓮冠

去殼

肉豆蔻

紙包聖藥

去油

白豆蔻

去殼

高良薑

切片

甜肉桂

去皮

公丁香

各研淨細末

先用

上白水

四兩水

一飯碗

入銅鍋內

煎化

再入雞子清

二個

煎十餘沸

入好燒酒

一觔

華火置穩便處

內打勻以火照著燒酒片刻隨即蓋鍋內火減用紗羅濾去渣入磁瓶內用冷水去火氣隨量少飲之

繆仲瀾秘傳隔噎膏

人參濃汁

人乳

牛乳

梨汁

蔗汁

蘆根汁

龍眼濃汁

右七味各等分

加薑汁

少許

隔湯熬成膏子

下

煉蜜徐徐頻服之其效如仙丹

貝母糖酒方

好陳酒

米糖

十兩

貝母

去心

砂仁

大香

陳皮

銘二

右咀片

入磁瓶內

著葉蓋緊

上放米

一撮

煮以

米熟為度每日清晨服一大杯

糖薑餅

用塘坊內上好糖糟

一觔

生薑

四兩

先將糖糟打爛

和薑再搗

做小餅

晒乾

於磁瓶內

置灶煙櫃上

每日

清晨將餅一枚泡滾水內少停飲湯

八汁湯

治噎食

生藕汁

生薑汁

雪梨汁

蘿蔔汁

甘蔗汁

白菓汁

蜂蜜

竹瀝

右各一盞

和勻飯上蒸熟

任意食

牛羊人乳汁

治翻胃

腸氣

此證必起於腸枯

血燥

大使三四日一次

真如馬栗

若如羊屎者

不治

口常吐白沫者

不治

牛乳

羊乳

人乳

不拘分兩

總宜常服

為生血潤腸之妙藥

癰症

癰疾不離少陽少陽為半表半裏邪居表裏之界入與陰爭則寒出與陽爭則熱爭則病作息則病止止後其邪仍據

於少陽之經淺則一日一作深則二日一作更深則三日一作雖有別經總以少陽為主故仲景以弦字該本症之脈蓋

於治法只一小柴胡湯熟多煩渴加知母花粉寒多身疼加乾薑桂枝治之得法一二服可愈未丹溪云無汗要有汗散

邪為主帶補正有汗要無汗補正為主帶散邪大抵於小柴胡湯中無汗麻黃可加二錢即三解湯意也有汗桂枝酒芍

可各加二錢即柴胡桂枝湯意也如三五作不休即於前方加常山三錢一服即愈俗謂常山截瘧用之太早則截住邪氣而成他病不知常山祛痰涌吐從陰達陽之藥正所以鼓邪氣外出何截之有余每合川山甲金銀花三味取其通達經絡又以人參當歸白朮何首烏之類擇用一二兩為君於瘧未出時服之多愈至於方書分定名色多歧反惑而所應別者如單寒無熱為壯瘧宜理中湯理陰煎加柴胡主之單熱無寒為瘧瘧或先熱後寒為熱瘧宜白虎湯加桂枝主之勞役飢飽過度為勞瘧宜補中益氣湯加柴胡主之受山嵐瘴氣為瘧瘧宜藿香正氣散平胃散加柴胡主之久瘧心腹有塊者名瘕母以蠶甲飲主之只此數症略宜分別究亦不離少陽一經也若瘕剝交作只以小柴胡湯疎少陽之氣則陷者自舉加花粉三錢滋陽明之液則滯者自通或即以此湯送香連丸一錢五分挾虛者以補中益氣湯倍柴胡煎送香連丸二錢此薛立齋先生之心法也小柴胡湯

方見傷寒

男元犀按凡服治瘧藥宜瘧未至前三時服或煎兩服一服於瘧期五鼓時服留一服於瘧未至前二時服最妙凡治瘧約古法必露一宿以瘧為暑邪暑氣得露而消也又近醫以初瘧忌用人參白朮茯苓此說本之嵩崖真生余雖不滿亦當從衆今即照嵩崖已去人參加青皮一錢五分寒多加乾薑桂枝各二錢熱多加知母花粉各二錢或加黃連石膏本方去人參加常山草萊知母檳榔川貝母各二錢名清中驅瘧飲大意以無痰不成瘧此方為治瘧之總方也然亦多效

警申飲

鰾甲^{三錢}

白朮

黃耆

川芎

酒白芍

檳榔

草果

厚朴

陳皮

甘草

各一錢

生薑^{三片}

鰾甲^{三錢}

烏梅

一個

水煎服

又有久瘧流連不愈及三陰瘧三日一作者當分五藏之虛而施溫補宜以景岳何人飲休瘧飲常服瘧作之期或加少陽約一二味及常山川山甲附子金銀花之類以通經絡或用人參一兩生薑一兩濃煎服之此不截之截法也家貧者以冬白朮一二兩代之血虛者以當歸一兩代之瘧雖有五藏之分而久瘧證治法只以補脾為主蓋以土為蓋物之母五臟六腑皆受陰焉況瘧為少陽之邪戊己之土久受甲木之剋扶弱抑強之法權實操於醫者宜以六君子湯四君子湯補中益氣湯諸方加之意焉

何人飲

何首烏

一兩不見 或生用

人參 二三錢 或一兩

陳皮 一二錢 虛者不兩

煨生薑 二三錢

以水煎服

休瘧飲

何首烏

四錢 或一兩

人參 二三錢

白朮 三錢 妙

當歸 三錢

炙草 一錢

陰陽水服

又久瘧不愈必求之腎如腎水不足熱多者以六味丸加味王之腎火不足寒多者以八味丸加味主之高鼓峰醫案云余治一人三陰瘧不愈令吞八味丸服人參養榮湯冬至日再加附子一錢至半夜汗出而愈汗出者陽回之兆亦邪解之機也愈於冬至日者以陽生而陰退也

瘧疾脈象

瘧脈自弦

浮弦表邪

沉弦裏邪

洪弦屬熱

遲弦屬寒

滑弦食積

久瘧之脈

微細虛弱

漸緩則愈

弦緊則殆

土敗雙弦

代散莫救

雄黃龜酒方

治三日久瘧神妙用活大烏龜一個連殼左右肩各攢一孔以明雄黃六錢研細末每孔填入三錢外

以磁黃泥包固勿令泄氣炭火上煨存性研末每服一錢空心陳酒送下二三服即止

香圓雄黃散

種福 陳香圓一個去頂皮大者每隻加透明雄黃三錢研細入填入香圓內炭火中煨存性再研極細末每

服七分用軟腐衣作六七包好咽下此日不可吃湯水任其區去頑痰

斑貓截瘧丹

種福

斑貓

巴豆肉

硃砂 各一錢

麝香 二分

雄黃 一錢 五分

蟾酥 五分

右用黑桑三枝搗丸如菜

豆大貼眉心一周時揭下投長流水中

常山草果散

種福

常山

草果

川烏

草烏

陳皮

甘草 各一錢 研末

用絹袋盛則聞於鼻間瘧即止不必煎服

椒雄貼臍丸

種福

胡椒

雄精

右二味等分研末將飯研爛為丸如桐子大外以硃砂為衣將一丸放在臍中外以膏藥貼瘧即止

未出瘧烏東丸

白朮一斤

生薑一觔白朮湯出汁拌

右為細末將黑棗一斤煮爛去核為丸

桂枝散雄黃

治虛寒瘧疾婦忌貼

桂心一分

麝香三厘

雄黃七厘

川椒七枚

共研細末納臍中外以膏藥貼之

葶藶燒酒種福

治不論雙單瘧用大葶藶將好燒酒自春浸至秋間如瘧至不貪飲食食則脹滿不下者每服葶藶兩

個三日即愈

痢症

王損菴云痢症不外濕熱二字所受不外陽明一經陽明為多氣多血之府濕陰邪也濕勝於熱則傷陽明氣分而為白痢熱勝於寒也熱勝於濕則傷陽明血分而為赤痢濕熱俱盛則為赤白俱見初病即以芍藥湯主之太意以行血則膿血自愈調氣則後重自除真百發百中之奇方也若發熱頭痛脈浮而緊是風寒鬱而不解內陷而為痢宜以人參敗毒散鼓之外出苟得微汗其痢自鬆若徒用痢門套藥殺人不少大抵痢症漸久漸虛而用藥亦宜漸補漸調四君子湯六君子湯四物湯補中益氣湯之類煎送香連丸是薛立齋先生活法余遵用甚效

芍藥湯方見

治痢初起腹痛裏急後重者 小便短澀者加滑石二錢澤瀉錢半 腹痛者加砂仁一錢 滯澀難出

者加當歸白芍各錢半甚者加大黃一錢 若食積者加山楂三枚 白痢者加陳皮砂仁茯苓各一錢 紅痢者加

川芎桃仁各一錢 紅白相雜者加川芎桃仁以理血滑石陳皮蒼朮以理氣 如嘔吐食不下者加黑梔蓮子去殼

三錢倉米三錢入生薑汁一滴緩緩呷之以瀉胃口之熱濕

人參敗毒散方見

加味平胃散

蒼朮二錢

陳皮

甘草錢一

厚朴一錢

豬苓

黃芩

澤瀉各五分

乾薑五分

白芍三錢

陳倉米

錢五

水煎服色紅去乾薑加當歸三錢黃連一錢

香連丸方見

張景岳謂痢症是夏月畏熱貪涼過傷生冷至大火西流新涼得氣則伏陰內動應時而為下痢初起宜抑扶煎佐關煎

溫藥以調之導之久痢用胃關煎溫補命門真火以扶脾土則痢自止景岳此說雖偏不可盡信而陰藏之人素多寒病一有不慎即患此症不可不知余每於此症初起察其脈遲而細手足俱冷腹痛而裏急後重者以乾薑二錢附子一錢吳茱一錢當歸三錢炙甘草一錢大黃白芍各一錢五分溫通之久痢每以八味丸與補中益氣湯間服收功粟穀訶子赤石脂肉豆蔻兜瀉之藥不可早服久痢亦不可廢又禁口痢以人參一錢石蓮肉二錢川連一錢入生薑汁少許緩緩之種福堂用五穀蟲三錢微炒研末以米湯送下又休息痢流連年餘不愈愈而又作是兜瀉太早餘邪未淨宜巴豆仁一錢研去油淨當歸一兩萊菔子五錢炒同研為末以冬蜜為丸如桐子大每空心以開水送下三九至七九以竭其餘邪自愈張石頑曰血色鮮紫濃厚者屬熱若瘀晦稀淡如瑪瑙色者為陽虛不能制陰而下非溫理其氣則血不清理氣如燼冶分金最為提法設不知此概行疎利之法使五液盡隨寒降而下安望有宣止之日哉以伏龍肝二兩取其溫暖土臟煎湯代水煎參苓草薤桂等藥多取奇效五色痢是精氣受傷五液不守之患宜益火消陰膏脾隄水兼分理其精氣即噤口不食者亦不出此法又曰丹溪治禁口痢多用石蓮子今此物真者絕無余常用藕汁煮熟稍加糖霜頓服兼進多年陳米稀糜調其胃氣取效此即石蓮子之意也又曰休息痢服補中益氣數劑不應反下鮮紫血塊者此久風成癰泄風氣通於肝肝傷不能藏血也三奇散倍防風加羌葛升麻其一切利水破氣藥皆為切禁

三奇散 治痢後下重

枳殼生

防風

各一兩

黃耆 二兩

為散每服二錢米飲下

伏龍肝湯丸

治胎前下痢產後不止

炮黑山查肉 一兩

熬焦黑糖 二兩

右二味一半為丸一半為末用伏龍肝二兩煎湯代水煎末二錢送前丸二

錢日三夜二服一晝夜令盡氣虛加人參二三錢以駕馭之虛熱加炮薑肉桂茯苓甘草兼感風寒加葱白香豉膈氣不舒磨沉香汁數匙調服

羊脂煎

治久利不痊

羊脂 一兩

白蠟 二兩

黃連 末一

酢 七合煎

蜜 七合煎

烏梅肉 二兩

亂髮 洗去垢脂

右七味合納沙鍋中湯上煎之攪可丸飲服如桐子大三十九日三服張石頑曰羊脂性滑利千金方用治久痢不

瘡專取滑利以通虛中留滯也其後且有羊脂阿膠蜜蠟黍米作粥方深得炎帝本經補中寓瀉之意

生死症及脈法

身不熱者輕 身熱者重 發熱不休者死 能食者輕 不能食者重 絕不食者死 發嘔者死 直腸自下者死

久痢忽天下結毒者死 小兒出痘後即發痢者死 婦人新產即發痢者死 瀉為血少 尺微厥逆 滑大主積

浮弦急死 沉細無言

痢疾續論

次男元犀按近傳治痢有三禁一曰發汗蓋以下利一傷其津液發汗再傷其津液津液去則胃氣空而下出之濁氣隨汗勢而上入胃中遂成脹滿難治二曰利水蓋以痢疾裏急後重滯痛難忍若前陰過利而後陰愈瀉而積滯之物欲下甚難三曰溫補蓋以痢為濕熱所傷得溫則以火濟火恐至腐腸莫救得補則截住邪氣多致流連難愈此三者時醫傳受之心法也然亦有可不泥者醫學真傳曰凡痢疾初起發熱不休非肌表有邪即經絡不和溫散而調榮衛外邪一解其痢自鬆若概以為熱開手即用寒涼多有陷入變劇者不少故喻嘉言所謂下痢必從汗先解其外後調其內首用辛涼以解其表次用苦寒以清其裏一二劑愈矣用治痢之方再加發表之藥失於表者外邪但從裏出不死不休故雖百日之遠仍用逆流挽舟之法引其邪而出之於外則死症可活危症可安人參敗毒散主之服後必有暫時燥熱此可見發汗是治痢之要法也又喻嘉言有急開之河一法謂熱邪之在裏者奔逼於大腸必鬱於膀胱膀胱結熱則氣不化而小便短亦不可用逆挽宜從其小便而順導之然而水出高原尤宜用辛涼之藥清肺之化源金匱有下利肺痛者紫參湯主之通因氣利訶黎勒散主之通以下注流消宿食破結氣滯亦見利水非古人所忌也至於溫補法詳於景岳全書如佐關抑扶二煎非溫劑乎胃關煎非補劑乎雖矯枉之說不能無偏亦可為肆用苓連查枳者之救弊也誰曰治痢有三禁乎 喻嘉言曰又有驟受暑濕之毒水穀傾囊而出一晝夜七八十行大渴引水自救百杯不止此則腸胃為熱所攻頃刻腐爛更用逆挽之法迂矣逮矣每從內經通因通用之法大黃黃連甘草一晝夜連進三五十杯俟其利止渴緩乃治平調於內更不必挽之於外蓋邪如決水轉石乘勢出盡勿可挽也 又曰治瘧之法當從少陽而進退其間進而從陽則從少陽為表法固矣乃痢疾之表亦當從於少陽蓋水穀之氣由胃入腸疾趨而

下始馬少陽生發之氣不伸繼馬少陽生發之氣轉陷故泛而求之三陽不若專而求之少陽俾蒼天清淨之氣足以升舉水土物產之味自然變化精微轉輸有度而無下利奔迫之苦矣泥兩陽明經所藏之津液既已下泄尤不可更發其汗當從少陽用和法全非發汗之意津液未傷者汗出無妨津液既傷者皮間微微得潤其下陷之氣已舉矣

小柴胡去半夏加栝樓根湯方見金匱 喻嘉言曰此方乃少陽經半表半裏之劑原方用半夏之辛溫半夏平表今改用

括樓之涼苦半夏平裏退而從陰則可進而從陽不勝其任矣但不必更求他藥惟於柴胡增一二用之方見金匱 為進之法也

人參敗毒散方見時方 喻嘉言曰活人此方全不因病痢而出但余所為逆挽之法推重此方蓋藉人參之力而後能逆挽

胃關煎見世

佐關煎見世 治生冷傷脾瀉痢未久者宜此湯此胃關煎之佐也

厚朴炒 陳皮錢半 山藥 扁豆 猪苓 澤瀉錢二 乾薑錢三 肉桂錢一 甘草錢七 水煎服 如腹

痛者加木香吳茱萸之類泄甚者加故紙肉苁蓉之類

抑扶煎原岳 治暴傷生冷致成瀉痢初起血氣未衰者此胃關煎表裏約也

厚朴 陳皮 烏藥各一錢 猪苓 澤瀉 炮薑錢二 吳茱萸錢五 甘草錢一 水煎服

斗門秘傳方方規 治毒痢藏府掣痛膿血赤白或下血片日夜不息及噤口惡痢他藥所不能治者立見神效

附子丸聖濟 治洞泄寒中注下水穀或痢赤白食已即出食物不消至春陽熱風邪氣流連至長夏發為洞泄陰生於午

附子聖濟 烏梅肉各一兩 川連二兩 乾薑半兩 蜜丸桐子大米飲下二十九

通聖散聖濟 治血痢腹痛日夜無度

大棗 烏梅各三 甘草三錢 乾薑錢一 水煎服

和中散聖濟 治冷熱痢腹痛裏急

附子一錢四分 川連一錢四分 乳香一分 共為末米湯飲下未止用青皮再下二服

黑豆湯聖濟 治赤白痢服藥不止

傷暑

夏日炎熱傷元氣故病必體倦脈弱身熱自汗煩燥面垢唇青李東垣以動而得之為中熱靜而得之為傷暑熱陽而暑陰也其實未確蓋以暑字從日暑即熱也何必分名但動靜二字是陰陽分別茲仍分動以得之靜以得之此以提綱何謂動以得之長途亦日荷重作勞因而致病如大熱傷暑而發熱頭痛與傷寒症同但傷寒脈浮而緊傷暑脈洪而虛以此為辨香蒿是解表却暑之藥夏月之用香蒿與冬日之用麻黃同大渴脈浮虛自汗以白虎人參湯主之更加身體重者是暑而挾濕宜蒼朮白虎湯主之若有吐瀉腹痛此方不可輕用也若前症發熱身疼口渴咽乾或吐或瀉宜黃連香蒿飲主之又有暑風症因暑氣鼓激痰火塞碍心竅以致卒倒不省人事宜吐之或以千金消暑丸灌之

白虎湯見傷寒

一加人參二錢名白虎人參湯治汗出惡寒身熱大渴等症一加蒼朮二錢名蒼朮白虎湯治汗出身熱

足冷等症

黃連香蒿飲時方

去黃連名香蒿飲治同 暑風發搐加羌活秦艽各一錢 瀉利加白朮茯苓各一錢五分 虛汗

不止加白朮一錢五分炙黃耆三錢 心煩加梔子硃砂各一錢 嘔吐加半夏二錢蒼香陳皮各八分薑汁少許

何謂靜以得之避暑於深堂大厦為陰寒所遏暑不得越手足厥逆者大順散主之霍亂吐瀉口渴者五苓散主之不渴者理中湯主之亦有以二湯送下六一散三錢者巧法不可言傳也

大順散

乾薑一錢

甘草炒一分

杏仁炒六分

肉桂 六分

共為末每服五錢水一鐘煎七分服如煩燥并花調下三四錢

又有過夏即病秋後即愈是暑傷元氣如草木遇盛日則萎得雨露則挺名曰注夏症宜補中益氣湯照薛氏醫案去升麻柴胡加參冬一錢五分黃柏各五分炮薑三分服三四劑 又生脈散清暑益氣湯六一散皆却暑之良方一切暑病

不可須臾離之學者當於三方求其真旨難以縷陳

脈法

傷暑脈洪而虛

大蒜新汲水方 治中暑法

大蒜一把握同新黃土研爛以新汲水和之濾去渣灌入即活凡中暑傷暑不可使與冷物俟稍甦方可投冷物則中

氣運動無患也

田中乾泥團臍方 治中暑昏眩煩悶欲絕急救法取田中乾泥做一團堆在病人肚上使少壯人撒尿於泥團肚臍中

片時即得甦矣後不可飲冷湯須進溫米湯

絲瓜白梅方 治中暑霍亂

絲瓜葉一片 白霜梅一枝並 右同研極爛將新汲水調服入口立瘥切不可飲熱湯

陳皮藿香湯 治傷暑急暴霍亂吐瀉方

陳皮五錢 藿香五分 右用土澄清水二杯煎一杯服之立愈

扁豆飲 治傷暑取扁豆葉搗汁一碗飲之立愈

鹽薑湯 治傷暑霍亂上不得汗下不得瀉身出冷汗危在頃刻者

食鹽一生薑五同炒變色以水一大碗煎服吐出自愈不可熱服好後切不可遽吃飯食俟饑極後方稀粥

取新汲水法俱見種福堂 治中暑昏眩煩悶欲絕急救挖地深三尺取新汲水傾入坑內擲瀉飲數甌即愈

腫症腫者腫於外脈者脈於內二症相因亦宜合看

腫者皮膚腫大古人有氣水之分其實氣滯則水不行水不行則氣愈滯二者相因為病水腫篇以按其腹實而不起者

為氣腫按其腹隨手而起如囊裏水之狀者為水腫量岳反其說以水症按之實而不起此水在肉中如糟如泥之象未

必如水囊之比按之隨起惟虛無之氣其速乃然余閱歷之久知二說亦不必拘大抵腫微則按之隨起腫甚則按之不

起兩脇及轉動之處按之即起足面及膝腹內側按之不起辨症不必以此為憑當於小便之利與不利以分陰陽身之

多熱與多寒脈之洪大與細微以分寒熱病之起於驟然與成於積漸及年高多病與少壯無病之人分其虛實以先腹

而後及四肢或先四肢而後及於腹分其順逆景岳云水氣本為同類治水者當兼理氣蓋氣則水自化也治氣者亦當

兼行水以氣行而水亦行也此症當與癰閉症參看 初患腫病氣喘不得臥以五皮飲為第一方蓋此方以皮治皮不傷元氣所以為妙 若腫而兼服小水不利宜胃苓湯主之或以四苓散以半熟薤白湯極妙

五皮散 按上身腫宜發汗加蘇葉荊芥秦艽各一錢五分 下身腫宜利水加赤小豆木通各一錢五分防己一錢

口渴多熱小便不利為陽水加滑石木通車前子麥冬各一錢五分木香五分 不渴小便自利多寒為陰水加白朮

蒼朮各二錢附子乾姜木香各一錢 脈滑實腹脹脇滿加生龍子一錢五分白芥子八分枳實一錢半夏二錢

婦人經水不調而腫是血化為水名水分加紅花八分桃仁香附各一錢五分婦人經水適斷即腫是水化為血名氣

分加當歸三錢五靈脂醋炒一錢五分香附一錢五分 按服此方愈後必加減腎氣丸及六君子湯之類收功

胃苓散

俱見少見

四苓散加味為丸

白朮一兩

茯苓二兩

豬苓一兩澤瀉一兩研末以半熟薤為丸如菜豆大開水送下三五錢

腫症積漸而成及久而不愈氣喘口渴不臥腹脹小便短少大便微澀一切危症不外薛氏加減腎氣丸主之 張景岳

曰內經云腎為胃關關門不利故聚水而從其類也然關門而何以不利也經曰膀胱者州都之官津液藏焉氣化則能

出矣夫所謂氣化者即腎中之氣也即陰中之火也陰中無陽則氣不能化所以水道不通溢而為腫故凡治氣者必先

治水治水者必先治氣若氣不能化則水必不利惟下焦之真氣得行始能傳化惟下焦之真水得位始能分清求之古

法惟薛立齋先生加減腎氣丸誠對症之方也余屢用之無不見效薛氏加減腎氣丸

熟地四兩

茯苓三兩

山萸肉

山藥

丹皮

牛膝

澤瀉

車前

肉桂各一兩

附子五錢

煉蜜丸如桐子

大每服三錢開水送下一日兩服 如素豐陽盛三焦多火煩渴面赤喘欬脈滑實此濕熱相因陰虛之證去桂附加

麥冬主之醫學心悟云下焦濕熱去桂附加黃柏蛤蚧粉最妙

麻黃附子湯

金匱方見

去附子加杏仁石膏各子湯

又明醫指掌云腫勢太盛內而膀胱外而陰囊相連緊急阻塞道路雖加利水之劑苦無一線之通病何由去必開大便

以逐其水隨下而隨補則病已去而脾無恙漸為調理庶可得生慎毋守利水之舊規也如腫勢未盛還以利水為上策

按此法惟少年體壯可以偶用否則不可輕試

脈色

脈沉遲大便滑小便利口不渴面青白為陰脈沉數大便燥小便赤口渴面赤為陽大抵脈喜浮大忌遲細仲景云水腫脈浮者死謂腫盛皮膚甚厚脈浮於皮毛之外輕捫之如隔一紙是死脈

腫脹危候

大凡水腫先起於腹而後散四肢者可治先起於四肢而後歸於腹者難治掌腫無紋者死大便滑泄水腫不消者死唇青唇腫齒焦者死臍腫突出者死缺盆平者死陰囊及莖俱腫者死脈絕口張足腫者死足跗腫膝如斗者死肚上青筋見瀉後腹腫者死男從身下腫上女從身上腫下皆難治

燈草蘿蔔湯

聖種福

治腫脹

燈草

一先將水四碗煎至二大碗

蘿蔔子一微炒

砂仁二微炒

將二味研末傾入燈草湯內略滾即盛入壺內慢慢吃下吃

盡不見效如前再煎一服俟腹响放屁小便長腫即退

脹症

宜參看

脹者心腹脹滿實者脹起於臍然便實脈滑而實宜散之消導之攻下之虛者脹成於積漸小便利大便滑脈濡小虛微病在中焦以參朮補之病在下焦以桂附吳萸溫之或兼行滯之品而標本並治亦有與腫症相兼當參看腫症辨症法脹而屬熱脈實而滑者廓清飲主之

廓清飲

枳殼

二錢

薑林

一錢五分

大腹皮

一錢

白芥子

五七分或一二錢

茯苓皮

二錢

萊菔子

生搗一錢如中不甚服能食者不必用

澤瀉

一二錢

陳皮

一錢

水煎服

脹而屬寒者胃苓湯主之兼小便利者四苓散以蒜為丸主之

脹而屬七情所致者宜四七湯主之逍遙散亦主之

四七湯

半夏

三錢

茯苓

三錢

厚朴

二錢

蘇葉

一錢

生薑

三片

水煎服

此方妙在紫蘇葉一味辛以散結香以

醒脾而順氣消脹行水乃其餘事

逍遙散

方見時方

此症宜加半夏二錢以降逆氣加生麥芽二錢以達肝氣蓋麥芽春而萌芽得春生之氣最早也

脹而屬虛者脈微弱細小喜厚按一便利氣衰言微宜六君子湯理中湯合八味丸服之

單腹脹宛症也或青年壯健起於驟然若心下堅大如盤者以金匱桂枝去芍藥加麻黃附子細辛湯直搗其痰水氣血

之巢穴嗣以枳朮散消補並施可救十中之一然此猶實症也若虛症難治攻之則速其危補之愈增其脹余家傳有消

鼓丹加白朮一兩試用四五劑不增脹方可議治但消鼓丹方中陽起石無真硫磺非從後來亦不能效故方亦不列

又名鼓脹以外實中空其狀如鼓也又名蠱脹易曰蠱壞極而有事也人病蠱者脾土敗壞身不即死復有也事猶病也

桂枝去芍藥加麻黃附子細辛湯

方見金匱

枳朮散

方見金匱

白朮

四兩 枳實 二兩

研末每服三錢穀芽湯送下

服象

喜浮大忌虛小餘參看腫症脈

蘿蔔子皂散

治五臟神方

蘿蔔子

四兩用巴豆十六粒同炒

牙皂

一兩五錢 根去鹽

沉香

五錢

枳殼

四兩火酒洗切片炒

琥珀

一兩

右六味共為末

每服一錢隨病輕重加減雞鳴時溫酒送下薑湯下亦可後服金匱腎氣丸調理收功

蕉扇千金滑石散

治水腫

陳芭蕉扇

去筋燒灰 存性五分

千金子

去油 五厘

滑石

二分

共為細末以麝皮包滾水送下一服全愈

黃牛糞散 治腹脹用四五月時黃牛糞陰乾微炒黃香為末每服一兩煎半時濾清服之不過三服即愈

葫蘆糯米酒散

治中滿腹脹

陳葫蘆

一個要三四年者佳

糯米

一升

作酒待熟用葫蘆瓢於炭上炙熟入酒浸之如此五六次將瓢燒灰存性為細末

每服三錢酒下

猪肚大蒜湯 治臌脹

雄猪肚子一個 人大蒜四兩

檳榔研末

砂仁研末各三錢

木香二錢

砂鍋內用河水煮熟空心服猪肚立效

橘葉青鹽湯 治肝氣脹

烏梅三個 鮮橘葉三錢 青鹽三分

川椒二錢

水煎空心服

蝦蟆砂仁散 治氣臌將蝦蟆一隻破開用大砂仁填滿腹中黃泥封固炭上煨紅冷定去泥研末陳皮湯調服放屁即愈

蘿蔔砂仁散 治氣臌氣脹

蘿蔔子二兩 搗研以水濾汁用砂仁一兩浸一夜炒乾又浸又晒凡七次為末每米湯下一錢

田螺解脹敷臍方 治一切臌脹肚飽發虛

大田螺一個 雄黃一錢 甘遂末一錢 麝香一分

先將藥末用田螺搗如泥以麝置臍放為臍上以物覆之

東好待小便大通去之重者用此相兼小便大通病即解矣

消渴

傷寒太陽症消渴小便不利宜五苓散厥陰症消渴宜大承氣湯之類與雜病之消渴名同而病異宜分別之 經云心移熱於肺傳為鬲消蓋腎名為上消以白虎湯加人參治之又云大腸移熱於胃養食而瘦蓋腎謂為中消以調胃承氣湯下之下消者煩躁引飲耳輪焦乾小便便如膏或飲一升溺一升飲一斗溺一斗以腎氣丸主之 趙氏曰治消之法無分上中下先治腎為急惟六味八味及加減八味丸隨症而服降其心火滋其腎火則渴自止矣白虎承氣皆非所治也或曰人有服地黃湯而渴仍不止者何也曰此方士不能廢其繩墨而更其道也蓋心肺位近宜制小其服肝腎位遠宜制大其服如上消中消可以前丸緩而治之若下消已極大渴大燥須加減大八味丸料一觔內肉桂一兩水煎六七碗恣意冰冷飲之睡熟而渴如失矣處方之制存乎人之變通耳 或問下消無水用六味丸以滋少陰腎水矣又加附子肉桂者何也蓋因命門火衰不能蒸腐水穀水穀之氣不能蒸上潤乎肺如釜底無薪鍋蓋乾燥故渴至於肺亦無所稟不能四布水精並行五經其所飲之水未經火化直入膀胱正謂飲一升溺一升飲一斗溺一斗觀其尿味甘而不鹹可知矣故用桂附之辛熱壯其少陰之火灶底加薪枯龍蒸海橘苗得雨生意維新維明者知之昧者鮮不以為迂拘也